



UNIVERZITET U SARAJEVU

OBAVJEŠTENJE O OTKAZIVANJU NAJAVLJENOG OKUPLJANJA AKADEMSKE ZAJEDNICE UNIVERZITETA U SARAJEVU

Poštovane nastavnice i nastavnici, saradnice i saradnici, zaposlenice i zaposlenici, studentice i studenti Univerziteta u Sarajevu

Ovim putem Vas obavještavamo da se mirno okupljanje akademske zajednice Univerziteta u Sarajevu, najavljeno za 29. 04. 2026. godine u 9:30 sati ispred Gradske vijećnice na Trgu Prve brigade policije, **otkazuje**.

Naime, nakon najave okupljanja i daljnjih konsultacija, gradonačelnik Grada Sarajeva je obavijestio rektora Univerziteta u Sarajevu da će predmetni prijedlog tačke dnevnog reda, koji se odnosi na Regulacioni plan „Kvadrant C – Marijin Dvor“, biti povučen sa dnevnog reda sjednice Gradskog vijeća.

Uzimajući u obzir navedeno, smatramo da su se stekli uslovi za nastavak dijaloga i institucionalno rješavanje otvorenih pitanja, te da u ovom trenutku nema potrebe za održavanjem najavljenog okupljanja.

Zahvaljujemo svim članicama i članovima akademske zajednice na iskazanoj spremnosti da zajednički, dostojanstveno i odgovorno štite interese Univerziteta u Sarajevu, njegovu imovinu, sigurnost i razvojnu viziju.

Univerzitet u Sarajevu ostaje posvećen daljnjem aktivnom učešću u procesu iznalaženja rješenja kroz dijalog sa nadležnim institucijama, u interesu akademske zajednice i javnog dobra.

S poštovanjem,

Univerzitet u Sarajevu